



## Inatsisartut

Aningaasaqarnermut Ataatsimiititaliaq  
Finansudvalget

Ulloq/Dato: 9. april 2010  
J.nr.: 01.31.06/10-00470

### Aningaasaqarnermut Naalakkersuisoq

#### Aningaasaqarnermut Ataatsimiititaliap suliaq nr. 01.31.06/10-00470 pillugu tallimanngornermi ulloq 9. april 2010-mi aalajangiineranik Naalakkersuisunut ilisimatitsineq.

#### **Ilimmarfik pillugu isumaqatigiissitsiniarnissamik suliaq.**

##### Naalakkersuisut **inassutigaa**,

- kontomi pingaarnermi 84.40.10 Kommunini atuarfiit, suliassamut nr. 120.50.074 Jørgen Brønlundip atuarfia, Ilulissat aningaasaliissutit 1,945 mio. koruuninik aamma suliassamut nr. 998.50.099 Nunaqarfinni atuarfiit qanoq issusaannik nalunaarsuineq, aningaasaliissutit 1,654 mio. koruuninik ikilisinneqassasut.
- kontomi pingaarnermi 87.71.32 Attaveqaatinik annertusaaneq, Qinngorput, suliassamut nr. 060.17.008 Erngup aqquai pingaarnerit, Nuuk, aningaasaliissutit 0,349 mio. koruuninik ikilisinneqassasut.
- kontomi pingaarnermi 89.71.40 Nukissiorfiit, sanaartornermut taarsigassarsiarititat, aningaasaliissutit 4,052 mio. koruuninik ikilineqassasut, agguarlugit suliassami nr. 030.17.022 Tasiliap allineqarnera, 2,439 mio. koruuninik, suliassami nr. 090.17.762 MG 1-ip aamma 2-p taarserneqarnera, Kangaatsiaq, 0,350 mio. koruuninik, aamma suliassami nr. 190.99.407 Imeqarfiup iluarsaanneqarnera, Ittoqqortoormiit, taarsigassarsiarititat 1,263 mio. koruuninik.
- kontomi pingaarnermi 84.40.13 Nuummi Ilisimatusarfik / Ilimmarfik, suliassamut nr. 060.55.003 Nuummi Ilisimatusarfik, aningaasaliissutit 8,0 mio. koruuninik amerlineqassasut”

#### **Aningaasaqarnermut Ataatsimiititaliap oqaaseqaatai**

Isumaqatigiissitsiniarnerup kingunerisaanik kontomi pingaarnermi 84.40.13-imi, Nuummi Ilimmarfimmu tunngasumi, aningaasaliissutit 8,0 mio. kr.-inik amerlineqarnissaat Naalakkersuisut suliame matumani qinnutigaat. Aningaasaliissutit 8,0 mio. kr.-inik qaffassutaat sanaartugassanut assigiinngitsunut aningaasaliissutit taakku amerlaqataannik ikilinerisigut pissarsiariniarneqarput.

Suliaq nukingiussaavoq. Suliaq tiguneqarnermi kingorna ullut marlussuinnaat qanngiunneranni Aningaasaqarnermut Ataatsimiititaliamit sularineqarpoq, akerlianilli suliap nukinginnartuunera eqqarsaatigalugu Naalakkersuisunit sularineqarnera kigaalaarunneqarsimavoq, tamannalu isornartoqartinneqarpoq.

Sulianik taamaattunik sularinninnermi isumannaatsumik pilertortumillu ingerlatsisarnissaq Naalakkersuisut periaatsiminni qulakkeertussaavaat.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Aningaasaqarnermut Ataatsimiititaliaq sinnerlugu

Naaja Nathanielsen

Aningaasaqarnermut Ataatsimiititaliap siulittaasua